

## VRIJEDAN POKLON KOMPANIJE "GEODET" d.o.o. SARAJEVO IZ SARAJEVA

Kompanija "GEODET" d.o.o. Sarajevo iz Sarajeva jedna je od vodećih kompanija iz geodetskog domena djelovanja u Bosni i Hercegovini. Pružaju usluge geodetskih mjerenja duže od deset godina za širok spektar klijenata. Kompanija stalno zapošljava diplomirane inženjere geodezije, geodetske tehničare, diplomirane inženjere građevinarstva, te u svom radu koristi sofisticiranu i naprednu opremu u cilju kreiranja kvalitetnih proizvoda i usluga dostupnih na tržištu Bosne i Hercegovine. Sjedište kompanije je u Sarajevu (ulica Hamdije Čemerlića 47). Kompanija djeluje širom Bosne i Hercegovine. Kompanija "GEODET" d.o.o. Sarajevo pruža geodetske i inženjerske usluge svojim klijentima po najvišim standardima, usvajajući i koristeći najnovije i najmodernije tehnologije iz oblasti geodezije i građevinarstva.



*Slika 1.* Detalj sa primopredaje poklona (slijeva prema desno: Muriz Bečić, Admir Mulahusić, Muhidin Bečić)

Dana 15. 4. 2019. godine, Odsjek za geodeziju i geoinformatiku posjetili su generalni direktor Muhidin Bečić, dipl. inž. geod. i tehnički direktor Muriz Bečić, dipl. inž. geod. Pored posjete Odsjeku i duže diskusije na temu geodezije i geoinformatike na području Bosne i Hercegovine,

te mogućnostima saradnje i pomoći kompanije "GEODET" d.o.o. Sarajevo Odsjeku za geodeziju i geoinformatiku, pomenuti direktori su uručili vrijedan poklon rukovodiocu Odsjeka za geodeziju i geoinformatiku vanr. prof. dr. Admiru Mulahusiću. Poklon je bespilotna letjelica proizvođača DJI (Mavic Air) sa kompletnom pratećom opremom neophodnom za adekvatnu primjenu u oblasti fotogrametrije. Oprema će, prema želji donatora, biti isključivo korištena za obuku studenata pri Odsjeku za geodeziju i geoinformatiku na vježbama iz predmeta *Fotogrametrija*, te je iz tog razloga lično uručena predmetnom nastavniku.

Ovom prilikom u svoje osobno ime, kao i u ime studenata Odsjeka za geodeziju i geoinformatiku Građevinskog fakulteta u Sarajevu, izražavam veliku zahvalnost kolegama i prijateljima Muhidinu Bečiću i Murizu Bečiću vlasnicima kompanije "GEODET" d.o.o. Sarajevo.

Također, veliku zahvalnost izražavam kolegi i uposleniku kompanije "GEODET" d.o.o. Sarajevo Amelu Žiliću, dipl.inž.geod., koji je uz dozvolu i saglasnost vlasnika kompanije, održao i inicijalnu obuku za studente Odsjeka za geodeziju i geoinformatiku.

Veoma je lijep osjećaj kada kolege iz privatnog sektora pomažu Odsjek na kom su stekli svoje akademsko obrazovanje. Nadajmo se da će u budućnosti i krovne geodetske organizacije u Federaciji Bosne i Hercegovine slijediti njihov primjer.

Ovom prilikom se zahvaljujemo i Asocijaciji studenata Građevinskog fakulteta Univerziteta u Sarajevu, koja je osigurala rezervnu bateriju za doniranu bespilotnu letjelicu.

*Admir Mulahusić*